

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Hazael.

urn:nbn:de:gbv:45:1-18303

opus est vestra opera, quod reliquum est, ipse facile per me perficiam, Abite. *M.* Vale ergo. *G.* Valetate vos quoque. Nunc res mihi bene gesta est, abscondam hic hunc thesaurum, ubi eum nemo præter me sciat. Sed jam, ne meus herus aliquid suspicetur, si nimis diu absim, offeram me ei. *E.* Unde noster Gihezis? *G.* Nusquam equidem ivi. *E.* At etiam audes velle mihi verba dare? quasi ego non una animo adfuerim, cum homo de curru revertit tibi obviam. c) Hoc cunctis tempus est accipiendorum ullorum munerum? improbe a te factum. Itaque pro isto tuo peccato, lepra, qua liberatus est Naaman, in te & in tua progenie in posterum hærebit.

SENTENTIA.

Bona spiritualia plerumque aspernatur mundus, quia splendore carent: Et apparatus mundano. Ne famulorum quidem consilium contemnendum est. Saepe etiam est olitor valde opportuna loquutus. Dona spiritualia non emuntur precio carnali. Avaritia mendaces facit Et homines in miseriam præcipitat. Dei spiritum latere frustra coneris.

HAZAE L. 2 Reg. 8.

ARGUMENTVM.

Hazaeli percontanti prædicat. Elifæus mortem Benadadi regis Syriæ, & insuper ipsius Hazaelis regnum, & sævitiam erga Israelitas.

Hazael,

c) Est tempus accipiendi munera: est & repudiandi.

Hazael, Elisæus.

Benadadus, Syriæ Rex, qui nunc æger est, misit me ad te, Elisæe, ad percontandum de salute tua. *E.* Renunciato ei, eo morbo levatum iri: & tamen Jova mihi interituum significavit. Heu! *H.* Quid tibi volunt ista suspiria, quæ fixo vultu ita alte trahis? *E.* O Hazael! Hazael! video quantum tum vastitatem sis Israelitis illaturus. Tu eorum ædificia incendes, tu juvenes ferro trucidabis, tu pueros elides, tu gravidas mulieres discerpes. *H.* Egone vilissimus homuncio tanta facinora potero? *E.* Ostendit mihi Jova, te fore Regem Syrorum.

SENTENTIA.

Piis dolet populi Dei calamitas, quamvis merito & divinitus illata.

J E H V S 2 Reg. 9.

ARGUMENTVM.

Jehus ab Elisæi puero unctus Rex Israelitarum, Joramum Israelitarum, & Ochoziam Judæorum Regem, & Jezabelem Jorami matrem occidit.

Puer Elisæi, Jehus, Duces, Speculator, Joramus, Israelitarum Rex, Nuncius, alter nuncius, Jezabella.

Habeo quoddam ad te mandatum, Dux. *Je.* Quem nostrum appellas? *P.* Teipsum Dux: secedamus intro. Jova te, Jehu, Deus Israelitarum, hoc oleo per me ungit Regem suorum